



City of Boston
c/o Direct Energy
P.O. Box 180
Tulsa, OK 74101-0180



CITY of BOSTON

Presort First Class
U.S. Postage Paid
Boston, MA
Permit #1736

KA BU BOTA NA LIXU - AVIZU INPURTANTI SOBRI ILETRISIDADI RATES



Es karta li tene informason inportanti sobri bu fatura di iletrisidadi.

13 di marsu di 2026

Stimadu Vizinhu,

Bu fornecedor atual di iletrisidadi é *Eversource Basic Service* (Sirvisu Báziku di Eversource). Kel-li signifika ma Eversource ta distribui y ta fornese bu iletrisidadi. Apartir di maiu di 2026, bu nóvu fornecedor ta ser **Boston Community Choice Electricity (BCCE)**. Klientis rizidensial ta ten un riduson di 9% na tarifa di forneseimentu di BCCE konparadu ku tarifa atual di Sirvisu Báziku di Eversource. Klientis kumersial ta ten un riduson di 5% konparadu ku ses tarifa atual di forneseimentu. Tantu klientis rizidensial komu klientis kumersial ten opson di riduzi ses tarifa inda más, mudandu pa planu Báziku Opsional, na boston.gov/bcce.

KUZÊ K'É BCCE?

Boston Community Choice Electricity (BCCE) é un programa di Kámara Munisipal di Boston, ki ta fornese inerja rinovável y na bon préso pa moradoris y stabelesimentus kumersial. BCCE ta mante na préso asesivel pamódi Kámara Munisipal di Boston ta kunpra iletrisidadi en grandi kuantidadi nun fornecedor di inerja, y el tra transfiri popansa pa klientis. Kuazi 230.000 agregadu familiar y stabelesimentu kumersial di Boston sta atualmenti inskritu, y rizidentis ta popa un média di \$200 pa anu. Direct Energy, fornecedor atual di BCCE, ta fornese iletrisidadi pa tudu klienti ki sta atualmenti inskritu na Programa, ti fin di kontratu atual. Enbóra es Programa ta substitui Eversource komu bu fornecedor di iletrisidadi, Eversource ta kontinua ta distribui bu iletrisidadi y fatura mensal.

Kuzê ki ta muda:	Kuzê ki ta kontinua igual:
<ul style="list-style-type: none"> Forneseimentu di iletrisidadi ta ben di Kámara Munisipal di Boston, através di se fornecedor kontratadu atual, Direct Energy. "Billing for the City of Boston CCE" (Faturason pa CCE di Kámara Munisipal di Boston) ta parse na bu fatura komu bu fornecedor di iletrisidadi. Bu tarifa di forneseimentu di iletrisidadi ta ser planu Padron di Programa, ki é \$0,14214. 	<ul style="list-style-type: none"> Eversource ta prusesa distribuison di iletrisidadi, jeston di kóna y faturason. Eversource ta risponde a imerjências, ta faze leitura di kontador y ta faze manutenson di linhas di distribuison y transmison. Bu ta kontinua ta ten tudu direitu y pruteson di klienti, ki bu tene gósi.

KUZÊ KI N MESTE FAZE?

- **Si bu ka toma ninhun midida:** bu ta fika inskritu autumátikamenti na planu *Standard* di BCCE, ki é planu padron di Programa, apartir di mês di maiu, y **"Billing for City of Boston CCE"** ta parse komu bu fornecedor na bu fatura di mês di junhu.
- **Si bu ta prifiri ka partisipa:** sina kel karton di *opt-out* (ka partisipa) ki sta bai en anéksu, y manda-l pa kureiu, antis di dia 16 di abril di 2026. Bu pode tanbe txoma Direct Energy pa número (855) 402-5868, ô prenxe kel formuláriu di opson pa ka partisipa, na boston.gov/bcce. Eversource ta kontinua ta ser bu fornecedor di iletrisidadi, y bu ta paga ses tarifa, ki ta muda di sais en sais mês.

ATUAL TARIFA DI PRGRAMA

BOSTON COMMUNITY CHOICE ELECTRICITY (BCCE)				EVERSOURCE	
OPSIONAL BÁZIKU		PADRON	OPSIONAL VERDI 100	SIRVISU BÁZIKU	
TARIFA	\$0,13644 / kWh	\$0,14214 / kWh	\$0,16231 / kWh	Rizidensial: \$0,15629/kWh C&I Pikinóti: \$0,15030/kWh C&I Médiu y Grandi: \$0,12541/kWh Illuminason Públiku: \$0,15030/kWh	
Durason	Dizénbru di 2025 – Dizénbru di 2027			Rizidensial: 1 di febreru - 31 di julhu di 2026 C&I Pikinóti: 1 di febreru - 31 di julhu di 2026 C&I Médiu y Grandi: 1 di maiu - 31 di julhu di 2026 Illuminason Públiku: 1 di febreru - 31 di julhu di 2026	
Kontiúdu di Inerja Rinovável di Klasi I di MA 2026	30% Rinovável Ta kunpri rikizitu mínimu di inerja rinovável di Massachusetts	45% Rinovável Ta akresenta 15% di RECs di Klasi I di MA riba di rikizitu mínimu si stadu	100% Rinovável Ta akresenta 70% di RECs di Klasi I di MA riba di rikizitu mínimu si stadu	30% Rinovável Ta kunpri rikizitu mínimu di inerja rinovável di Massachusetts	
Kondisons di Saída	SÉN MULTA NEN TAXA			SÉN MULTA NEN TAXA	

BCCE ka ta pode garanti popansa pamódi tarifas di Eversource ta muda dos bês pa anu. Objektivu di agregason é prupursiona popansa au longu di vida di Prugrama.

*Tarifa di BCCE ta inklui (1) un Taxa di Sirvisus di Konsultoria di \$0,0008 pur kWh, pa fasilita Prugrama BCCE; (2) un Taxa di Sirvisus Munisipal di \$0,00017 pur kWh, pa finansia kustus ku pesual pa Prugrama.

*Tarifa pode aumenta si ten un alterason na lei ki ruzulta nun auméntu diréto y matirial na kustus duranti vijénsia di kontratu.

PLANUS OPSIONAL DI BCCE & AJUDA KU SIRVISUS PÚBLIKU

Moradoris ki ta resebe asisténsia públiku y ki ten rendimentu familiar igual ô ménus ki 60% di rendimentu medianu di stadu, pode kualifika pa resebe diskontu na ses fatura di iletrisidadi. Partisipason na BCCE **ka ta** intirfiri ku ninhun kréditu, planu di pagamentu, diskontu ô asisténsia di Eversource. Pa popa inda más, bu pode skodje planu Opsional Báziku (atualmente \$0.13644/kWh). Vizita boston.gov/energy pa más informason.

Muda pa planu Verdi 100 (atualmente \$0.16231/kWh), un opson fásil y ikunómikamenti asesivel pa apoia inerja linpu. Tudu inerja rinovável na Prugrama ta jeradu na Nóva Inglatéra. Óra ki bu skodje Verdi 100, bu ta dizenpenha un papel fundamental na riduzi puluison, na pruteje ambienti, y na djuda Boston a bira neutru en karbónu. Aderi oji na boston.gov/bcce.

PERGUNTAS FRIKUENTI

- **Kal k'é diferénsa entri Fornesimentu y Distribuison?** Taxa di forneseimentu na bu fatura di iletrisidadi é kustu di iletrisidadi ki bu uza duranti kada siklu di faturamentu. Taxa di distribuison é kustu pa faze manutenson di linhas di distribuison y transmision di iletrisidadi y pa jeri bu kóna, ki ta inklui imison di bu fatura mensal, leitura di bu kontador, y prusesamentu di pagamentus.
Bu ka pode skodje kenha ki ta distribui bu iletrisidadi, má bu pode skodje kenha ki ta fornese bu iletrisidadi. Mudansa di forneseedor ka ta ten ninhun ifeitu na bus taxa di distribuison.
- **Kel-li ta afeta nhas binifisiu di asisténsia di iletrisidadi ô planus di pagamentu?** Nau, bu ta kontinua ta resebe binifisius di Eversource.
- **Dja N skodje un forneseedor konpitivu, kuzê ki N debe faze?** Bu ten ki skodje opson di ka partisipa na BCCE, pa bu ivita kualker violason di kontratu. Pa skodje es opson li, manda kel karton di *opt-out* ki sta en anéksu, pa kureiu, prenxe kel formuláriu di *opt-out* na boston.gov/bcce, ô txoma Direct Energy, forneseedor atual di iletrisidadi di Kámara Munisipal, pa número (855) 402-5868.
 - ◆ Pesoa ki ten kóna y ki ta prifiri ten BCCE komu forneseedor, invês di ses forneseedor di iletrisidadi atual, es debe kontakta Prugrama pa más ajuda.
- **N ten un kóna ku izenson di inpostu, kuzê ki N meste faze?** Pa mante bu statutu di izéntu di inpostu, manda un kópia di bu [Energy Exempt Certificate](https://www.directenergy.com/energy-exempt-certificate) (Sertifikadu di Izenson di Inerja) pa *email*: usn.taxexemption@directenergy.com, pa fáks 800-5400-7428, ô pa kureiu, pa Direct Energy Attn: USN Tax Exemption at P.O. Box 180, Tulsa, OK 74101-0180.
- **N ten painel solar ô inerja solar kumunitáriu; N ta kontinua ta resebe kréditus?** Sin, bu ta kontinua ta resebe kréditus di midison líkidu ô na fatura, y valor di kes kréditu la ka ta altera si bu partisipa na BCCE.

Pa sabe más, vizitá-nu *online* na boston.gov/bcce, txoma pa número **3-1-1**, ô manda *email* pa bcce@boston.gov.



Brian Swett

Risponsável pa Klima | Gabeti di Ambienti, Inerja y Spasus Abértu

CITY of BOSTON

1 CITY HALL SQUARE BOSTON, MA 02201-2021 | ROOM 709 | 617-635-3850 | BCCE@BOSTON.GOV

KONTIÚDU DI INERJIA RINOVÁVEL – Persentaji Izijidu y Vuluntáriu pur Anu

Fonti di Inerjia di Community Choice		Anu	Izijidu pa Stadu*		Vuluntáriu**		TOTAL
			MA Klasi I	Otu	MA Klasi I	Otu	
Boston Community Choice Electricity	PADRON	2025	27%	36%	15%	---	78%
		2026	30%	39%	15%	---	84%
		2027	33%	43%	15%	---	91%
	OPSIONAL BÁZIKU	2025	27%	36%	---	---	63%
		2026	30%	39%	---	---	69%
		2027	33%	43%	---	---	76%
	OPSIONAL VERDI 100	2025	27%	36%	73%	---	136%
		2026	30%	39%	70%	---	139%
		2027	33%	43%	67%	---	143%
SIRVISU BÁZIKU di Eversource		2025	27%	36%	---	---	63%
		2026	30%	39%	---	---	69%
		2027	33%	43%	---	---	76%

* Izijidu pa Stadu – Persentaji mínimu obrigatóriu di rikursus di inerjia rinovável izijidu pa lei di MA.

** Vuluntáriu – Inerjia rinovável adisional ki ta ultrapasa kel mínimu ki stadu ta iziji nun anu spisífiku.

Pa más ditalhi sobri izijéncias di inerjia rinovável na MA, vizita [mass.gov/info-details/program-summaries](https://www.mass.gov/info-details/program-summaries).



PRUGRAMA *BOSTON COMMUNITY CHOICE ELECTRICITY* KARTON DI RISPÓSTA PA KA PARTISIPA

Si bu kre partisipa na Programa *Boston Community Choice Electricity*, bu ka meste faze nada.

Bu ta fika inskrito autumátikamenti.

Instrusons pa Opson di ka Partisipa

Si bu ka kre partisipa:

- 1) Sina y poi data
- 2) Poi na kel invilópi ki nu manda
- 3) Mandá-nu pa kureiu

Karton ten ki ser sinadu pa kel klienti ki se nómi ta parse na inderésu n'es karton li. **Invilópi ten ki ser karinbadu más tardar ti dia 16 di abril di 2026 pa skluí-bu di Prugrama antis di bu ser inskrito autumátikamenti.**

X _____

Sinatura

Data